

Aruba a briya den Jazz Festival

Presentacion fenomenal di Ivan Jansen Project



ORANJESTAD (AAN): Un publico grandi a presencia e presentacion di Ivan Jansen Project den Caribbean Sea Jazz Festival, y continuamente a mostra nan aprecio pa e composicionnan refrescante y autentico toca cu maestria door di cada artista.

E publico amante di jazz a goza especialmente tambe despues di cada solo spectacular. Hunto cu Ivan, e elenco di artistanan tabata consisti di ganadornan di Grammy manera Oscar Stagnaro, Alex Brown, Pernell Saturnino, e virtuoso Alex Han, y e hovennan local Michael Breimo y Serghio Jansen cu ya ta trahando un trayectoria internacional.

Ivan Jansen a lidera e projecto local/internacional aki cu ta un desaroyo di gran importancia, reflehando e reconocimiento di artistanan internacional di renombre pa Ivan su maestria den musica y pa e elenco di musico.

Mester menciona cu despues di hopi tempo, nos por a presencia un presentacion di tata y jiu, Ivan y Serghio, ambos experto ariba nan instrument di guitarra. Nos ta spera di wak hopi mas di nan den futuro.

Un felicitacion ta bai pa Ivan Jansen project y tambe pa e otro presentacion di hovennan di Scol di Musica Rufo Wever, Kross Hart Project y Live Expressions.

